

Saksbehandlar: Hogne Haktorson, kontrollsjef Vestland fk
Sak nr.: 19/572-1

Budsjett for kontrollutvalet i Vestland fylkeskommune for 2020

Kontrollsjefen rår kontrollutvalet til å gjere slikt vedtak:

1. Kontrollsjefen i Vestland fylkeskommune vert på bakgrunn av det som kjem fram i møtet beden om å leggje fram forslag til budsjett for kontrollutvalet for 2020 til møte som skal haldast 06.05.2019

Vedlegg:

- Budsjettprosess – Budsjett 2020-økonomiplan 2020-2023 for Vestland fylkeskommune

Andre relevante dokument i saka:

SAKSFRAMSTILLING

1. Bakgrunn for saka

Lov og forskriftsgrunnlag:

Etter "Forskrift om kontrollutvalg i kommuner og fylkeskommuner " § 18 skal kontrollutvalet i Hordaland fylkeskommune utarbeide framlegg til budsjett for kontroll- og tilsynsarbeidet i fylkeskommunen. Omtala § i forskrifta lyder slik:

§ 18. Budsjettbehandlingen

"Kontrollutvalget utarbeider forslag til budsjett for kontroll- og tilsynsarbeidet i kommunen eller fylkeskommunen. Kontrollutvalgets forslag til budsjetttramme for kontroll- og revisjonsarbeidet skal følge formannskapetets/kommunerådets eller fylkesutvalgets/fylkesrådets innstilling til kommunestyret eller fylkestinget.

Der kommunen eller fylkeskommunen har en egen revisjon avgir revisjonen innstilling til kontrollutvalget om budsjett for revisjonen."

Departementets merknader til § 18

"Bestemmelsen fastsetter fremgangsmåten ved behandling av budsjett for kontrollutvalgets og revisjonens samlede virksomhet.

Når kommunen/fylkeskommunen har egne ansatte revisorer, skal revisjonen ved ansvarlig revisor avgi innstilling til kontrollutvalget om budsjett for sin virksomhet i budsjettåret.

I interkommunale revisjonsselskaper organisert som interkommunale selskaper, er det representantskapet som vedtar budsjettet, jf. lov om interkommunale selskaper § 18, noe som forutsetter at deltakerkommunen/fylkeskommunen budsjetter må være vedtatt før slikt budsjett kan vedtas."

Ny kommunelov vart vedteken av Stortinget 22.06.2018. Denne skal tre i kraft i løpet av 2019 og det pågår for tida arbeid med å utarbeide forskrifter til denne. Det er ikkje noko som tyder på at det vil verta vesentlege endringar i høve dagens forskrift når det gjeld punktet om budsjett for kontrollutvalet.

I Vestland fylkeskommune vil kontrollutvalet ha ansvar for å utarbeide budsjettforslag for kontroll- og tilsynsarbeidet i fylkeskommunen. Dette inneber at budsjettforslaget inneheld tal både for kontrollutvalet, ekstern revisor og sekretariat for kontrollutvalet.

Tidlegare vedtak:

Kontrollutvalet i Hordaland fylkeskommune gjorde slikt vedtak i sak PS 115/18 i møte 17.12.2018:

«Kontrollutvalet ber om at sekretariatet legg fram sak om m.a. tal medlemmer i kontrollutvalet i Vestland fylkeskommune, kor mange av dei som skal sitte i fylkestinget, spørsmål rundt budsjett og reglement for kontrollutvalet til møte 11.02.2019.»

Vedtaket vert delt opp i to saker ved at det som gjeld reglement vert lagt fram i anna sak til dette møtet.

Kontrollsjefen i Vestland fylkeskommune har komme til at desse sakene også må leggjast fram for kontrollutvalet i Sogn og Fjordane fylkeskommune.

Fellesnemnda handsama i møte 19.12.2018 sak PS 58/18 «Budsjettprosess – Budsjett 2020/økonomiplan 2020-2023 for Vestland fylkeskommune, DP 6.2». Saka ligg ved som vedlegg 1. Denne saka skildrar korleis ein har tenkt seg at prosessen skal vera fram til forslag til budsjett er ferdig utarbeidd og klar til å vedtakast i konstituerande fylkesting i oktober 2019.

Det er avklart med administrasjonen at kontrollutvalet sitt forslag til budsjett for 2020 bør vera ferdig handsama i kontrollutvala i mai slik at det er klart til møte i fellesnemnda 18.06.2019

2. Drøfting

I dette møtet er tanken at kontrollutvala skal diskutere kva moment som bør takast med i budsjettarbeidet som skal ende opp med å leggje fram eit forslag til budsjett for kontrollutvalet i Vestland fylkeskommune for 2020.

I arbeidet kan t.d. desse punkta vera aktuelle å drøfte:

Kontrollutvalet:

- Godtgjersle til politikarar (endeleg reglement skal handsamast i FN vinter/vår 2019)
- Storleik på tapt arbeidsforteneste
- Tal møter i året?
- Kvar i fylket skal møtene haldast?
- Reisekostnader
- Folkevaldopplæring
- Abonnement
- Ekstra tiltaksmidlar
- Anna

Ekstern revisor:

- Rekneskapsrevisjon (fastpris)
- Omfang på bestilling av forvaltningsrevisjon, eigarskapskontroll mv. (timepris etter bestilling)
- Anna

Sekretariat for kontrollutvalet:

- Bemanning - Utgifter til løn og andre personalkostnader
- Reisekostnader
- Trong for nytt utstyr, møblar, PC, telefon mv.
- Abonnement
- Kurs/kompetanseheving

- Inntekter frå sal til kommunar mv.
- Anna

3. Konklusjon

Kontrollsjefen i Vestland fylkeskommune inviterer kontrollutvala til å drøfte saka i møtet og koma med innspel til det vidare arbeidet. Det vert tilrådd at kontrollsjefen, m.a. på bakgrunn av det som kjem fram i møtet, får i oppdrag å legge fram forslag til budsjett for kontrollutvalet i Vestland fylkeskommune for 2020 til møte som skal heldast 06.05.2019.